

NGABE LIBANDLA

LITOHAMBA NGAPHAMBI

KWE NHLUPHEKO LENKHULU?



Asikhotsamise tinhloko tetfu umzuzwana nje manje sentele livi lemkhuleko.

² Nkulunkulu longeweles kakhulu nalolungile, sifuna kuKubonga ngemusa waKho lotsandzako, ngoba uncono kitsi kuneKuphila. Futsi sikhulekela kutsi Utohlangana natsi kusihlwa ngendlela lekhetskile sibili, futsi usiphe kwetibusiso taKho. Kwangatsi singabona sandla lesikhulu leseluliwe seMsindzisi wetfu lotsandzako, kukhonta labagulako nakulabahlaselekile. Nekuniketa sandla sekwemukela kulabo labakhatselle emgwacweni wesono, kusihlwa. Kubamemela endlini yaBabe lapho balindzeleke kutsi babekhona.

³ SingaKucela kutsi ukhumbule labo labadukile endleleni lecondzile nalencane, kutsi nabo futsi bangabuya enhlanganyelweni yaBabe futsi.

⁴ Futsi siyakhuleka, kusihlwa, Nkhosi, kutsi Utovula tindlebe tebantfu, kutova liVangeli, nekutsi Utosoka tindzebe tesikhulumi. Futsi nje usivumele sisetjentiselwe inkhatimulo yaKho. Futsi ekupheleni kwalenkonzo, uma siya etindzaweni tetfu letehlukene, kwangatsi singasho njengalabo lebebavela e-Emawuse, “Tinhilityo tetfu betingavutsi yini ngekhatsi kwetfu, lapho Asakhuluma natsi endleleni na?” Ngoba sikucela eGameni leNdvodzana yaKho, iNkhosi Jesu. Amen.

⁵ Ngifisa kufundza leminye emiBhalweni kusihlwa, sahluko se 17 saLukha loNgeweles, futsi sicale ngelivesi le—lema 26.

Futsi njengoba kwakunjalo emihleni yaNowa, kuyoba njalo futsi ngetinsuku teNdvodzana yemuntfu.

Bebadla, banatsa, bashada bafati, bendziselana, kwate kwaba lusuku Nowa langena ngalo emkhunjini, nabolazamcolo befika, futsi wababhubhisa bonkhe.

Ngalokufanako futsi njengoba kwakunjalo etinsukwini taLoti; bebadla, banatsa, batsenga, batsengisa, bahlanyela, futsi bakha;

Kodvwa ngelusuku lolufanako Loti laphuma eSodoma... umlilo nesibabule wana uvela ezulwini, futsi wababhubhisa bonkhe.

Kuyobanjalo ke ngelusuku lapho iNdvodzana yemuntfu yembulwa khona.

⁶ Futsi kwesihloko, ngifisa kutsatsa kuGenesi, sahluko se 19 nelivesi le—lema 22.

Shesha wena, futsi ute lapha; ngoba Ngingeke ngente lutfo uze wena ute lapha.

⁷ Manje ekuseni, bengikhuluma ngetehlulelo letitako, futsi kusihlwa ngifisa kuchubeka. Siyayiva lemimoya lehisako yekusondzela kwekwehlulela kwaNkulunkulu Somandla. Njengoba sicala kuva letintfo leti, kusifanele kutsi sitsi kubuka lapho siphila khona, naleli-awa lesendlula kulo.

⁸ Futsi esikhatsini lesitsite lesendlulile, kwakuyinhlanhla yami kuvakashela iNdiya. Futsi ngaphambi nje kwekutsi ngite eNdiya, bebanekutamatama kwemhlaba lokukhulu. Futsi bengifundza emaphephanda zaba eNdiya, kutsi kwenteka kanjani kutsi cishe etinsukwini letimbili ngaphambi kwekutsi kufike kutamatama kwemhlaba, tabonakala kungatsi betati kutsi kuhona lokungalungi, tonkhe letinyoni letincane letihlala etimfeni etakhiweni letinkhulu, futsi tihlala kulawomabondza lamakhulu ematje. Lokunengi kweNdiya kunemabondza ematje. Futsi tonkhe letinyoni letincane tatinetidleke tato kuletotimfa, tashiya lamabondza. Nato tonkhe tinkhomo ngalokwejwayelekile tatima titungelete letakhiwo letinkhulu, entsambama, emtfuntini, futsi time ngakulamabondza lamakhulu ematje; cishe tinsuku letimbili ngaphambi kwekutamatama kwemhlaba, tonkhe letilwane leti netinyoni letincane taphuma taya kuyoma emkhatsini nensimu.

⁹ Niyabona, kwakukhona lokutsite ngako, kutsi Nkulunkulu bekanakekela tinyoni taKhe letincane netilwane taKhe. Niyati, loNkulunkulu lofanako lowaticondzisa emkhunjini, etinsukwini takucala, ngesikhatsi abhubhisa ngemanti, ekushumayeleni kwaNowa, lowoNkulunkulu lofanako usaphila futsi uyabusa nanamuyla, futsi Unekulawula kwaKhe kwebantfu baKhe.

¹⁰ Futsi bengicabanga, “Uma Nkulunkulu bekacabanga kakhulu kangako ngetinyoni taKhe letincane, netinkhomo taKhe netimvu, kutsi atibalekise ekubhujisweni ngaphambi kwekutsi kugadle, ubacabangela kangakanani ke bantfwana baKhe lotelwe ngaMoya waKhe, wagezwa eNgatini yaKhe. Uyacabanga ngabo.” Futsi lapho Ecwayisa letinyoni letincane kutsi tisuke etindzaweni tato tekuhlala, ngikholwa ngekweliciniso kutsi Uyabecwayisa nebantfu baKhe, namuhla. Njengoba sibona tibonakaliso letinkhulu tekuBuya kwaKhe tisondzela, ngikholwa kutsi Nkulunkulu uyacwayisa bantfu baKhe kutsi bahlangane ndzawonye, nekubita lolukhulu ngephandle kulolusuku lwekugcina.

¹¹ Sihloko sami kusihlwa sitsi: *Ngabe LiBandla Litohamba Ngaphambi Kwe—KweNhlpheko Lenkhulu?*

¹² Manje sikhatsi sesendlulile kunaloko lenikucabangako. Sekwephuteke kakhulu, ngize ngikholwe kutsi sekucishe kube sikhatsi sesendlule kakhulu eMerica. Sisekupheleni nje kwemgwaco. Futsi manje ekuseni, ngesikhatsi ngisashumayela ngeBhabhiloni netimo tayo, ngicabange kutsi kungaba kuhle kakhulu kusihlwa, kungenisa lokunye kweliBhayibheli, kukhombisa kutsi besisondzele kangakanani ekuBuyemi kweNkhosi. Futsi singabona, tsine ngeliso letfu lemvelo, kutsi ikhona intfo letokwenteka.

¹³ Kukhona ku—kuphatamiseka emkhatsini webantfu, kulukhuni nje kutama kuba nemvuselelo. Emabandla ehlukene kakhulu, futsi asemiphinjeni walomunye nalomunye, ngenca yemicabo yebuhlelo. NemaKhristu aneluvalo kakhulu, kubonakala kwangatsi, futsi aphatseke kabi. Kodvwa, niyati, kusimanga, kodvwa iNkhosi yetfu yatsi, “Uma letinfo leti ticala kwenteka, nibuke etulu,” kutsi kuhlengwa kwetfu kwakusondzela.

¹⁴ Futsi njengoba sibona umusa waKhe lomkhulu, njengoba ukhonjiswa kitsi, sibona tandla taKhe tetibonakaliso letinkhulu netimanga; lokukutsi, emehlo etfu ayovuleka, emizuzwini lembalwa, kubukisisa. Bese-ke kusinika lendvudvuto lezotse kakhulu, kwati kutsi loNkulunkulu weliBhayibheli usaphila namuhla. Futsi Uyabatsandza bantfwana baKhe, futsi Ubanika secwayiso. Nalabo labanemcondvo wakamoya, bayaphuma.

¹⁵ Futsi siyacaphela, ngaletinsuku Jesu lakhuluma ngato, Watsi, “Njengoba kwakunjalo etinsukwini taNowa, nasetinsukwini taLoti.”

¹⁶ Manje, esipampulekweni ngasinye sesikhatsi, Nkulunkulu bekahlala njalo aniketa lubito lwemusa ngaphambi kwekubitwa kwekwehluelwa.

¹⁷ Manje uma nibosomlandvo, futsi bengidadisha umlandvo kuleliviki, nakulamaviki lamabili noma lamatsatfu lendlulile, boBabe bangaphambi kweNayisiya, yemlandvo wasendvulo welibandla ngaphambi nje kweMkhandlu waseNayisiya, wase-ke ubumba libandla laseKhatolika eminyakeni lengemakhulu lalishumi nesihlanu yetikhatsi tebumnyama. Futsi ngiyakubona loko kuleyomibhalo yaseNayisiya, noma uMkhandlu waseNayisiya wangaPhambili, kutsi besebanentfo lefanako nje njengoba sinjalo namuhla. O, kutsi itiphindza kanjani!

¹⁸ Nekubona simo selibandla, nesimo sebantfu, netibonakaliso tetikhatsi, tibhalwe ndzawo tonkhe.

¹⁹ Manje, ngaphambi kwekutsi Nkulunkulu ake ente nomayini, esipampulekweni ngasinye sesikhatsi, Uhlala njalo atfumela sihawu, ingelosi, umprofethi, uMlayeto. Futsi njengoba sonkhe sikhatsi, noko, konkhe kwalife. Libandla alifuni kuWemukela.

²⁰ Nowa. Wakhulumha ngaNowa lapha. Futsi washumayela iminyaka lelikhulu nemashumi lamabili. Futsi naloku nje umlayeto wakhe wawusihawu, bantfu behluleka kulalela kufundzisa kwakhe. Kwakuyintfo leyayitobasindzisa, kepha noko abalalelanga. Futsi uma leso kungesiso sitfombe lesihle kakhulu setikhatsi tanamuhla!

²¹ Manje, ungahle utsi kimi, “Mnaketfu Branham, ungasho kanjani kutsi ‘kuhle,’ futsi upenda sitfombe kitsi leso losipendako na?”

²² Kuhle ngoba iNkhosi Jesu ita masinyane eBandleni laYo, futsi ngumcabango lomuhle kakhulu kutsi noma ngusiphi sidalwa saNkulunkulu besingake sicabange ngawo; kutsi siphume kulencushuncushu bese singena eNkhatimulweni yaKhe lebusisiwe, lapho labadzala bayoba basha, nalabagulako batophiliswa ingunaphakadze. Ngeke kusabakhona kudzabuka noma tinhlungu tenhlitiyo. Uma loko kungesiyo intfo lenhle kakhulu lengingacabanga ngayo! Futsi kubuseke kanjani pho kulabo labalindzele lesosikhatsi sekubutsana.

²³ Manje siyatfola, njengoba Jesu atsatsisela emuva etinsukwini taNowa. Ake sibuyelete emuva nje, ngoba Watsi, “Tsatsa sibonelo salolosuku.”

²⁴ Manje, ngesikhatsi Khayini na-Abela. Ngesikhatsi Khayini abulala Abela, wase-ke Sethi utsatsa indzawo yakhe. Sitfola kutsi Sathane beketama kubhubhisa leyoNtalo lefanele ifike, kutsi Nkulunkulu beketsembisile, kutsi, “INTalo yewesifazane itawuhubula inhloko yentalo yenyoka.” NaSathane beketama kubhubhisa leyoNtalo yasebukhosini, futsi bekacabanga kutsi wakwenta ngesikhatsi abhubhisa Abela. Kodvwa Nkulunkulu wavusa Sethi esikhundleni sakhe. Sitfombe lesihle mbamba sekufa nekuvuka kwaKhristu, neNtalo yebukhosni ita.

²⁵ Khona-ke kuyintfo levakalako kucaphela loko kutsi kanjani, eluhlangotsini IwaKhayini, baba ngulabakholwa kakhulu. Futsi bebabantfu labahamba lisontfo; futsi kanjalo naKhayini bekangumuntfu lohamba lisontfo. Wakhonta iNkhosi. Wakha li-altari. Bekawelibandla. Abhadala tikweneti takhe. Bekangiyo, ngatotonkhe tinhloniphо njengoba umuntfu bekangambuka, ngekuba likholwa sibili.

²⁶ Kodvwa timbili kuphela tigaba tebantfu, lokukutsi, emakholwa, labangakholwa, nebazenzisi. Nemhlaba usasolo ugcwele bona kusihlwaa.

²⁷ NaKhayini bekenta inkholo nje. Futsi elutalweni lwakhe kuphuma licembu lelikhulu lebantfu labahamba lisontfo, bakholwa impela.

²⁸ Manje, loku akukavami kakhulu, kodvwa nikucaphelile loko eluhlangotsini lwakhe kufika lesiphucukile, sive lesifundzile na? LiBhayibeli likusho ngalokucacile. Watsi, “Bebakha, futsi bebenta tintfo letinkhulu.” Isayensi yaphuma elutalweni

IwaKhayini. Nesayensi lenkhulu, nabodokotela, nemadvodza lamakhulu, aphuma elutalweni lwaKhayini.

²⁹ Lapho, lolunye luhlangotsi lwalu—luphuyle, luhlobo lwebalimi nje, kodvwa bebabantu labakholwa nguNkulunkulu wabo kutsi abengulophatsekako. O Nkulunkulu, ngibale kanye nabo!

³⁰ Futsi ngaphambi nje kwekutsi kufike sikhatsi sekugcina, kwabakhona kudideka lokukhulu. Neluhlangotsi lwebandla lelikhulu, kwakubukeka kwangatsi, kuzuziwe, njengoba kunjalo nje namuhla, kwesayensi.

³¹ Futsi lenye intfo lenkhulu: watsi, “Bebakha.” Asikaze sibekhona sikhatsi emlandwensi loko kwakha lokukhulu kakhulu njengoba kunjalo manje. Ngulesinye setibonakaliso tesikhatsi sekugcina. Asikaze sibe nesikhatsi sekawtha. Futsi manje, ngisho nasedolobheni letfu lelincane lapha, angikhomi kutfola indzawo leyenele kutsi ngiyotingela bologwaja nhlobo. Konkhe yimisebenti lemikhulu yekwakha tindlu; kwakha nje nekuhlanyela. Futsi uma besingavula emehlo etfu, ingulenye yetinsika taNkulunkulu teluphawu lwekutsi kuphela sekusedvute.

³² Futsi besishumayela manje ekuseni, ngeti-putniki netinjumbane, kutsi bangema kanjani eMoscow, futsi bacondzise injumbane emkhatsini neSitaladi iFourth eLouisville, futsi bangasuki ngisho nekusuka eMoscow. Futsi iyowumba umgodzi emhlabatsini, kujula longemafidi lalikhulu nemashumi lasikhombisa nesihlanu, emakhilomitha langemakhulu lamabili nemashumi lamane kutungeleta. Nguleyondlela-ke lomgodzi lobewungaba ngiyo. Letintsatfu tato tingabhubhisa umhlabu wonkhe, tiwutamatamise uphume emkhondwensi wawo. Isayensi, niyabona kutsi ikuluphi luhlangotsi na? Ingaseluhlangotsini lolubi.

³³ Nkulunkulu ulindzele kutsi bantfwana baKhe baMetsembe ngako konkhe labanako. Kodvwa sifuna kwetsema sandla semuntfu. Ngingamane ngibe nematsema ami lakhelwe kuKhristu, ngitsatsa sincumo sami sekuma lokunesizotsa etikwemusa waKhe nesihawu, kunanoma nguliphi licembu lebantu labafundzile labayobumba inhlangano, batsi, “Ngulena indlela.” Khristu watsi, “NgiyiNdlela, liCiniso, nekuKhanya. Futsi akekho lota kuBabe ngaphandle uma eta ngaMi.”

³⁴ Ngako-ke, niyabona, lusuku lolukhulu lwemfundvo. Lusuku lolukhulu lwembango wemhlabu. Futsi khona lapho emkhatsini waloko, bafanele kutsi bebakadze banelive lelikhulu lesayensi kunalelesinalo manje. Bakha tivivane. Asinayo ngisho nayinye intfo lengakha sivivane, uma wake waba sedvute naso. Ngike ngaya kuto, eGibhithe, naleto letiseMexico. Futsi le, libanga lelibhilidi lelidolobha kuphakama, kungaba nematje lamakhulukati lebekangasindza emakhulu emathani, akhiwe

etulu lapho esicongweni saleso lesikhulu, sakhiwo lesikhulukati. Futsi lihleshulwe ngalokuphelele kakhulu kute kungabikhona ngisho nendzawo yekufaka ilezana; lalijutjwe kahle kakhulu ngebutonono. O, lusuku lolunje pho lwesayensi! Kantsi, futsi, kwahlala kuphelele kakhulu emkhatsini nemhlaba, futsi akunandzaba kutsi lilanga likuphi, asikho nhlobo sitfunti kuso. Ngiyangabata kutsi singakulingisa yini, namuhla, kusayensi yetfu yesimanje.

³⁵ Kodvwa Jesu watsi, “Njengoba kwakunjalo ngalolosuku, kuyoba njalo ekubuyeni kweNdvodzana yaNkulunkulu.” Manje, naNowa washumayela iminyaka lelikhulu nemashumi lamabili, futsi, caphelani, wahlekwa.

³⁶ Manje, Jesu futsi washo, kutsi, “Njengoba kwakunjalo etinsukwini taLoti, kutsi kuyoba njalo, ngetinsuku taLoti, bebadla, banatsa, bashada, bendziselana, bahlanyela, batsengisa, batsenga.”

³⁷ O, akuzange sekubekhona lusuku, kutsi, lokunengi kakhulu kwetekutsengiselana, njenganamuhla, basebentisa nje tindzawo lakutsengiswakhona timoto nayoyonkhe intfo. Lokunengi kakhulu, ute, ukhone kutsenga ifriji kulomnyaka, futsi uyibhadalele cishe emadola langemakhulu lamane noma lasihlanu, futsi ngemnyaka lotako akekho loyifunako. Seyiphumile esitayeleni. Aniboni kutsi umhlaba wetekutsengiselana unicindzetele khona na? Ungatsenga imoto kulomnyaka, futsi ngemnyaka lotako mhlawumbe solo yinble njengalena bewungayitsenga ngalesosikhatsi, kodvwa iyowenhla ngelinani lentsengo yayo inkhulungwane yemadola ngoba bantjintje simbonyo se-radiator noma bente lokutsite lokuncane lokubulima kuyo. Kucoca kwekutsengiselana kuphela, kugcwalisa liBhayibheli.

“Njengoba kwakunjalo etinsukwini taNowa, nasetinsukwini taLoti.”

³⁸ Naloku nje, ngasosonkhe sikhatsi, tingelosi tabonakala, baprofethi bavuka, nemlayeto wabo bewusolo ungumusa njalo, sihawu, nekuhululwa. UMLayeto waNkulunkulu bewuhlala njalo ukukhululwa, ngaphambi nje kwesikhatsi sekugcina; kuhbole emiBhalweni, kutsi Nowa washumayela kanjani kuhululwa. Futsi babahleka futsi bahlekisa ngabo, futsi bahhalatiska.

³⁹ Futsi njengoba kwakunjalo ngaletotinsuku, kunjalo nanamuhsa. Futsi uma uphuma neMlayeto, kutsi Khristu uvukile kulabafile, njengoba Etsembisa kutsi Uyotibonakalisa Yena lucobo. Futsi bayakwenta namuhla, kulowomlayeto, njengoba benta nje eMlayetweni ngalololunye lusuku.

⁴⁰ Loti waphuma waya eSodoma, futsi watama ngawo onkhe emandla akhe kutfola tihlobo takhe kutsi tilalele umlayeto wetiNgelosi, kodvwa bamhhalatisa futsi batsi bekahlekisa.

⁴¹ O, sitfombe lesinje pho salolusuku! Uma ubaletsa eMlayetweni wekukhululu kwaNkulunkulu, batsi, “Uhlekisa ngenkholo. Nitama kulingisela intfo letsite.” Luhlolo lolufanako lwelicembu! Li-awa lini lelesiphila kulo! “Yebo-ke, bacabanga kutsi ngibo kuphela labatosindziswa. Bacabanga kutsi ngibo kuphela labashumayela liVangeli.”

⁴² Jesu watsi, “Letibonakaliso leti tiyobalandzela labakholvako.” Akusilo Livi lami. LiVi laKhe.

⁴³ Futsi caphelani, ngifuna nicaphele, masinyane, umfanekiso wemlayeto lowawungiwu. O, loku nje kuyayijabulisa inhlitiyo yami. Uma ngicabanga ngeSodoma neGomora, yase ingcoliswe kakhulu, ngekwesimilo, kwaze kwaba nalabaphendvuketelwa ndzawo tonkhe.

⁴⁴ Kodvwa ngaphambi nje kwekugcina, kubhujiswa lokukhulu, Nkulunkulu watfumela umprofethi entasi lapho. Futsi ngyiacabanga nge, futsi, Watfumela iNgelosi entasi lapho, futsi ngifuna nicaphele uMlayeto waleNgelosi. Abrahama, lobekatsetse indlela yakhe nalabayingsosana labadzelelekile beNkhosi, wahlala ngephandle elugwadvule lapho imihlabatsi yayingakavundzi khona.

⁴⁵ NaLoti wehla wase uba ngumphatsi-dolobha walelidolobha, futsi bekayindvodza lenkhulu emkhatsini wesono. Nginganconota kutsi ngingatsandvwa kakhulu bantfu, futsi ngibe ngulolungile naNkulunkulu. Kodvwa Loti bekatsandvwa kakhulu bantfu, futsi bekahlala etitaladini, egedeni lelidolobha. Bekalijaji laloko lalokwakungangena naloko lokwakungeke kungene. Futsi bekalapho, aniketa kuphila kwakhe ekuphingeni, futsi ati kutsi kulelidolobha lakhe letintfo letinjalo tatichubeka.

⁴⁶ Uma leso kungesiso sitfombe sanamuha, esiveni setfu; tinhlelo lettingakahlungwa, tonkhe tinhlobo tebuwula, buluhlata, emachinga! O, bebakhona kukuhlakata, uma bebafuna kukwenta, kodvwa abafuni. Futsi bangeke bakwente, ngoba Nkulunkulu watsi kuyoba ngalendlela. Kube kuphela bebangavula emehlo abo futsi bacondze!

⁴⁷ Futsi, caphelani, ngaphambi nje kwekutsi kufike leli-awa lelikhulu lelibucayi. Abrahama naSara, labahlala ngephandle ngaphansi kwesihlahla sem-okhi, ngalelinye lilanga ngesikhatsi basengephandle lapho, Sara wabona eMadvodza eta. Wase uyesuka uya ngasethendeni.

⁴⁸ Umehluko longaka pho, kubesifazane balolusuku, nekutsi bekutokwehluka kanjani entasi eSodoma. Asekufike sikhatsi sekutsi emadvodza ete ekhaya, bonkhe bafinyelela etimpahahleni tabo letincane letimfishane, bese bayaphuma bayolandza umshina wekuhesha tjani. Umehluko longaka pho!

⁴⁹ Kodvwa Sara waya ethendeni. Futsi ngesikhatsi enta, lamaDvodza eta. Na-Abrahama waWabuka. Bebabonakala

kwangatsi bangemaDvodza labukeka angakejwayeleki. Futsi Lenye Yawo yabonakala iSikhulumeli, futsi ngesikhatsi Ihlala phansi futsi icala kukhuluma na-Abrahama . . .

⁵⁰ Abrahama watsi, “Hhalani lapha, futsi ngitohamba ngiyolandza emanti lamancane, futsi ngitogeza ttinyawo teNu. Futsi ngitobhuca sinkhwa lesincane. Futsi sitolungiselela, futsi Ningadla lucetu lwenyama. Bese-ke Niyachubeka.”

⁵¹ Futsi ngesikhatsi agijimela emhlambini, futsi watfolo litfolo lelikhuluphalisiwe, futsi walibulala. Watjela Sara kutsi abhuce sinkhwa lesincane nekwenta emacebelengwane.

⁵² Futsi wakhuluma naloMuntfu. Ngiyakukholwa loko, ngandlela tsite noma lenye, Abrahama wati kutsi bekaNgubani lowo. Futsi loMuntfu lobekasikhulumi, Bekafulatsele lithende. BekaSitfunywa sangalolosuku. Futsi Watsi, “Abrahama, ngitokuvakashela ngekxesetsembiso, iminyaka lengemashumi lamabili nesihlanu ngaphambili. Ngakwentela setsembiso, futsi ngitohlala naso.”

⁵³ O, alibusiswe liGama leNkhosi! Nkulunkulu wenta setsembiso, “Etinsukwini tekugcina, Bekatotfulula uMoya waKhe etikwayo yonkhe inyama,” futsi Uyohlala naso. Jesu wenta setsembiso, wase utsi, “Letintfo lengitentako Mine nani nitawutenta,” futsi Uyohlala nako, ngoba Unebulungiswa.

⁵⁴ Na-Abrahama waMbuka. Futsi Watsi, “Cishe ngalesikhatsi lesi nje ngenyanga letako, ngekwekuphila,” loko kwakuphat selene naSara, “Ngitokuvakashela, naSara utotala luswane lenglwetsembisa.” Manje, Abrahama bekaneminyaka lelikhulu budzala, naSara bekanemashumi layimfica.

⁵⁵ NaSara, emvakwaleNgelosi, ngekhatsi kwelithende, wachubeka . . . wahleka.

⁵⁶ Futsi leNgelosi, nemhlane waYo ufulatsele, yatsi, “Uhlekeleni Sara?” Leso kwakuSitfunywa. O, niyati kutsi ngikhuluma ngani na? Hloboluni lwekufundza ingcondvo lolo, Afulatsele lithende, naye angekhatsi na? Futsi wamoyitela. Futsi Watsi, “Uhlekeleni?” Wakwati. Futsi lowo kwakunguMlayeto wekugcina ngaphambi kwekutsi iSodoma neGomora ishiswe. Mnaketfu, uma uWuva, kusihlwa, manje nguMlayeto wekugcina ngaphambi kwekutsi lomhlaba ushe. Niyayibona imvelo yaleNgelosi? Yayingubani leyoNgelosi? YayinguNkulunkulu.

⁵⁷ Khumbulani, Abrahama waMbita nge, “Nkhosi.” Futsi lihumusho lelikhona “Elohim, lomkhulu, Jehova lonemandla.” KwakunguJesu Khristu lophindze wangena kumuntfu.

⁵⁸ Lomunye watsi, “Ucondze kusho kutsi loko beku . . . ? Wawutfola kanjani Lowomtimba na?”

⁵⁹ Ngani, Wavele wabita letotiNgelosi letimbili. Futsi waphefumula umoya lomncane, kanjalo, nema-athomu nekhalsiyamu ne-phothashi kwahlangana ndzawonye,

naGabriyeli wangena kumunye, nalelenye iNgelosi kulomunye. Futsi Watentela munye Yena.

⁶⁰ Alibusiswe liGama laKhe lelingcwele! Ngiyajabula kakhulu, kusihlwa, kwati kutsi lowoNkulunkulu Somandla lofanako, LobekaNgatentela umtimba kutsi ahlale kuwo, litsemba lami likuYe, kutsi ngalelinye lilanga Uyovusa lona, njengoba Etsembisa kukwenta.

⁶¹ Futsi Usemkhatsini wetfu, ngekwenta yona kanye nje lentfo lefanako Layenta lapho. O, alidvunyiswe liGama laKhe lelikhatimulako; asinika secwayiso, akhulumu natsi, asitjela kutsi sitilungiselele. Kusobala, Watsi, “Kusesikhashana nje live lingkeke lisaNgibona. Noko, nine nitoNgibona, ngoba Ngitawuba nani, ngibe ngisho nakini, kute kube sekupheleni kwemhlabu.” Li-awa lelinje lesiphila kulo!

⁶² Caphelani, leNgelosi leyaletsa umlilo, yayinguLeyo Leyenta loyommangaliso. Futsi sonkhe siyati kutsi live litobhujiswa, sikhatsi lesilandzelako, ngemlilo. NaleNgelosi leyatfunyelwa eSodoma neGomora...Bukani kutsi Jesu watsini. O, kuyawujabulisa nje umphefumulo wami kufika kuloko. “Njengoba kwakunjalo etinsukwini taNowa, kuyoba njalo ekubuyeni kweNdvodzana yemuntfu.” Yentani leyoNgelosi? Yayinemoya wekubona lokufihlakele. Futsi Watsi, “Njengoba kwakunjalo ngalesosikhatsi, kuyobanjalo uma iNdvodzana yemuntfu yembulwa eZulwini.” Niyakubona na? Cabangani nje, kutsi, emkhatsini wetfu manje kume leyoNgelosi yaNkulunkulu lefanako, lengesuye lomunye ngaphandle kweNkhosi Jesu Khristu, esimeni saMoya loNgcwele. Isemkhatsini wetfu, “Ngalolosuku.” Futsi BekanguNkulunkulu, futsi lowo kwakunguMlayeto waKhe ngaphambi nje kwekutsi kufike imbubhiso.

⁶³ Manje sitocaphela kutsi kwakunguMlayeto wekukhululwa. Waya entasi futsi wetama kukhulula bantfu, kepha bala kuMuva.

⁶⁴ Futsi, namuhla, kuyintfo lefanako esiveni setfu, emkhatsini webantu bakitsi. Ngibe nenhlanhla yekubona iNkhosi yetfu Jesu, emihlanganweni, yenta tibonakaliso netimanga netintfo letinkhulu. Futsi bantfu empeleni bema langembili futsi bati, ngale kwelitfunti lekungabata, kutsi lo-lomkhulu, longafi, Nkulunkulu longenasiphetfo ukhona futsi wenta luhlobo lolufanako lwemmangaliso; futsi bebaye beme lapho futsi bahlafune ishungamu, futsi besuke langembili, bangakkahatsateki nje. Abanandzaba.

⁶⁵ Kubukeka kimi, kwangatsi, uma umuntfu bekananoma nguluphi luhlobo lwebukamoya ngaye, noma uMoya waNkulunkulu kuye, futsi ngesikhatsi abone iNkhosi Jesu yenta nje loko Latsi Uyokwenta, bekuyoyijabulisa inhlitiyo yakhe ngangekutsi, kutsi angabe asakhona kuchubeka nekuthula.

Uyobasa umlilo esiveni ngeMlayeto. "Njengoba kwakunjalo ngaletotinsuku," Watsi, "kuyoba njalo."

⁶⁶ Lowomlayeto waphuma, futsi bavele bawuhleka futsi bawuhhalatisa, njengoba lomunye lobekatjela luhlobo lolutsite lwenganekwane lengasho lutfo. Kodvwa kwakukwesihawu, futsi kwakukwemusa, futsi kwakukukhululwa. O, hhe!

⁶⁷ NeNgelosi yatsi, ngaloko kusa, kuLoti, emvakwekuba Sekanikete umlayeto; Watsi, "Sheshani, nifike lapha, ngoba ngingeke ngente lutfo ute ufile lapha." Ngifuna nicaphele loku manje, ngoba sifanele sijube kafishane lapha, ngenca yelilayini lalabakhulekelwako. Nike nacaphela kutsi iNgelosi yatsini na? "Ngingeke ngente lutfo ute ufile lapha." Kwakuyini na? Kwakungumlayeto wekukhululwa. Futsi ngaphambi kwekutsi ngisho nalinje licashata lemlilo liwe livela eZulwini, Loti wadzingeka aphume eSodoma.

⁶⁸ Futsi ngaphambi kwekutsi litfonsi linye lemvula liwe livela eZulwini, Nowa wangena emkhunjini.

⁶⁹ Futsi ngaphambi kwekutsi ibhomu ye-athomu igadle kulesive lesi, liBandla liyongena eluHlwitweni, kuhlangabeta iNkhosi Jesu. Futsi uma tiputniki netinjumbane tihleliwe, nemahhamela advonswa abuyiselta emuva, tiNgelosi tonkhe time ngekuhleka. Haleluya! Emavulande lamakhulu aseZulwini aminyetelene agcwele. Emahabhu onkhe lishuniwe. Ibhendi lenkhulu seyivele ilungisiwe. Kukhona sikhatsi sekuya eKhaya masinyane nje, ngeliBandla laNkulunkulu lophilako, lobekalindzele kuBuya kwaKhe. Yonkhe intfo ihlelekile. Ngijabula kakhulu. Ngiyangekukhatsala kakhulu. O, ngalelowawa lelikhulu!

⁷⁰ Nekucabanga, kutsi, sibe nencenyne kulesipampuleki sesikhatsi! Khumbulani, "Kuyoba njalo ekubuyeni kweNdvodzana yemuntfu, lapho iNdvodzana yemuntfu yembulwa khona eZulwini."

Manje, khumbulani, ngaphambi kwekutsi imvula yehle, Nowa bekasasemkhunjini.

⁷¹ Ngaphambi kwekutsi umlilo wehle, Loti besavele angephandle kweSodoma. Ngoba, leNgelosi yatsi, "Ngingeke ngente lutfo ute ufile lapha. Nginemkhwebulo esandleni sami, kudvonsa nekwenta imililo iwe eZulwini."

⁷² Futsi ngicabanga kutsi loko kunjalo impela. INgelosi yekubhubhisa ibambe sandla seRussia, nemabhomu e-athomu; lize liBandla lihlangane ndzawonye, neMtima munye lomkhulu waKhristu. "Ngingeke ngente lutfo ute ufile lapha." O, uma leso kungesiso siciiniseko lesibusisiwe!

⁷³ Futsi uma sibona yonkhe intfo ime ngemumo, kuya eKhaya kweliBandla sekume ngemumo. Nayi iNgelosi yaNkulunkulu neMlayeto lofanako, yenta tibonakaliso letifanakalo, timanga

letifanako, yonkhe intfo ime ngemumo. Tabernakeli laBranham, eminyakeni lengemashumi lamabili nesihlanu leyendlulile, cishe, ngakhulumu ngale kulelipulpiti lelifanako futsi nganitjela kutsi letintfo leti titokwenteka, ngalolunye lwaletinsuku leti. Naku ke! Sisesikhatsini sekugcina. Sipampuleki silapha. Kusondzele esikhatsini sekuya eKhaya kweliBandla.

⁷⁴ Bagceki, bahlekisa, baphukuta, bahhalatisa, njengoba bebaneNkhosi Nebukhadinezari naBheltheshazari. Kanjalo naye bekanjalo etinsukwini taNowa. Kwakunjalo nasetinsukwini taLoti. Futsi benta lokufanako namuhla.

“Ngingeke ngente lutfo ute urike lapha.”

⁷⁵ Ngifuna nicaphele, Loti waphuma entfweni letsite lebeyingambhubhisa, naNowa waya entfweni letsite leyayingamsindzisa. Futsi lowo ngumfanekiso weliBandla. Siyaphuma eveni, futsi sikhashane nalomnyaka wa-Elvis Presley na-Arthur Godfrey lesiphila kuwo. Phumanu eveni futsi niye kuKhristu! Phumanu eveni. “Bona babalelive, bayobhubha nalelive.” Labo labakuKhristu bayoya eKhaya naKhristu. “Ngoba labo labalele kuKhristu Nkulunkulu Uyokuta nabo uma Abuya.” Siphuma eveni, kutsi siye kuKhristu ekuphepheni. O!

⁷⁶ “Kodvwa ngingeke ngente lutfo ute urike lapha.” Ngiyakutsanza loko. “Phutfuma! Baleka!” Lomlayeto wawuphutfuma. “Phutfuma! Phutfuma! Baleka!”

⁷⁷ Alibusiswe liGama leNkhosi! Jesu wetsembisa kutsi leliVangeli liyoshunyayelwa. Bekusolo kuchubeka manje iminyaka neminyaka. Futsi nako lakukhona esikhatsini sekugcina, sibonakaliso lesikhulu sekugcina. Ngaphambi nje kwekutsi tiNgelosi timpongolote, “Phutfumani,” Wagucuka wase utsi, “Uhlekeleni Sara?” INgelosi yekubhubhisa, Yatsi, “Ngivile ngetono tabo, futsi ngehlile kutobona kutsi ngabe kwakuliciniso yini noma cha.” Futsi Watfola kutsi kwakuliciniso. Nalomlayeto wawungumusa, nesihawu, nekukhululwa. Kodvwa, “Phutfuma! Phutfuma!”

⁷⁸ O, bantswana, ningahlali nigobene futsi nitibuta. Phutfumani! Phutfumani! Ngekushesha! Sikhatsi sesisondzele. Sigijimele (kuphi?) niphume njengoba kwenta letinyomi letincane, khweshani kulamabondza lamakhulu esimanje aseBhabhiloni, lamahlelo lamakhulu lamadzala latsi, “Kute umehluko kulesikhatsi.” Lamabandla lawa lamakhulu lamadzala langakholwa latsi, “Ayikho intfo lekutsiwa kophilisa kwaNkulunkulu. Kute imimangaliso.” Sukani kulawo mabondza, ngoba atodzilika. Behlela ekubhujisweni nekwehlulwa, ngoba Nkulunkulu wami washo njalo.

⁷⁹ Gijimani niphume niyongena emkhatsini neKhalvari ngaleya! Uma tinyoni taya etihlahleni, yanini esihlahleni, nani, lesosihlahla lapha Khristu abetselwa khona. Lapho kulenga

emkhatsini wesihawu saKhe, futsi ukhale kuNkulunkulu kute kwendlule siphepho.

⁸⁰ Phutfuma! Baleka! “Fika lapha, ngoba angeke ngente lutfo ute uphumele ngephandle.” Ulindzele wena. Sukani kuletintfo leti letindzala tesimanje. Sukani kulowo mabonakudze uma letotinhlobo temidlalo tivela. Tfola... Vala lowo msakato uma lomculo wekutinyukunya ucalal. Tiphatsise kwadzadze. Gcokisa kwadzadze. Tiphatsise kwendvodza. Gcokisa kwendvodza. Ukhulume njengemKhristu. Uphile njengemKhristu. Shisa onkhe lamabhuloho. Phutfuma! Phuma! Imbubhiso seyisedvute. Nkulunkulu udzineke kakhulu.

⁸¹ O, sikhatsi sesihambile kunalolokucabangako. Liawa selisedvute. Lesihawu seNgelosi, iNgelosi yesihawu Leyatfumela uMlayeto waYo, ikhona lapha kusihlwa. Niyakukholwa na? Ngabe liBandla litofanele lihambe ngaphambi kwesikhatsi sekuhlupheka lokukhulu na?

⁸² Bukani, Israyeli waya eGosheni, neGibhithe yaya ebumnyameni. IGibhithe yangena eGosheni, yayiswa eveni lesetsembiso. IGibhithe yangena ebumnyameni, futsi yase ingewatjwa eLwandle loluFile.

⁸³ Phutfuma! Phutfuma! Baleka! Lelo kungahle kube litfuba lakho lekugcina. Futsi khumbulani, sibona tinjumbane tihleti. Siyatifa, sikubuka ephepheni. Umhlabo wonkhe uyatfumela. Yonkhe intfo Nkulunkulu layishito iyafezekwa.

⁸⁴ Ngako-ke kutsiwani ngako na? “Ngelusuku iNdvodzana yemunfu letotembula ngalo eZulwini.” Iyini leNdvodzana yemunfu, leyembulwako? Jesu Khristu longuye itolo, namuhla, naphakadze. Bukani livesi lema 21, noma livesi lema 30, ngilo.

*Kuyobanjalo ke ngetinsuku lapho iNdvodzana
yemunfu yembulwa ezulwini.*

⁸⁵ Kuyini na? LoMlayeto lo... Lentfo lena ayikaze yentekе kusukela Jesu nakalamhlabeni. Futsi naku, ekupheleni kwemnyaka webetive. Ake sikubuke umzuzwana nje, futsi sicabange kamatima.

⁸⁶ Ngesikhatsi Jesu alapha emhlabeni, Akatishongo kutsi ungumphilisi. Watsi, “AkusiMi lowenta lemisebenti; nguBabe waMi. Kodvwa kuphela ngenta loko Babe laNgikhombisa kona kutsi ngikwente.” Johane loNgcwele 5:19, Watsi, “Ngicinisile, ngicinisile, Ngitsi kini, iNdvodzana ingeke yente lutfo ngekwaYo, kodvwa loko Lebona uYise akwenta.”

⁸⁷ Uma nicaphela Filiphu, ngesikhatsi acala kuphendvuka. Cha... Kucala wacala inkonzo yaKhe, iNkhosi Jesu, kwentekani na?

⁸⁸ Ake sibone kutsi iNdvodzana yemunfu itotembula kanjani Yona. Uma Anguye itolo, namuhla, naphakadze, Utofanele atembule njengoba Entile itolo. Uma Embula lokufanako,

Utofanele embule uMlayeto lofanako. Ngekuthula, futsi bukisisani.

⁸⁹ Ngesikhatsi Phetro efika kuYe emvakwenkonzo yaKhe, Johane loNgcwele 1. Phetro wenyukela kuYe. Bekangakabitwa ngaPhetro ngalesosikhatsi; bekabitwa ngalelinye ligama. Futsi ngesikhatsi enyukela kuYe, Watsi, "Wena unguSimoni, nababe wakho nguJonase."

Lowomdwеби lomdzala wacabanga, "Ungati kanjani Yena?"

⁹⁰ Wase-ke Filiphу, waseBhethesda, naye, uya ngale kwentsaba, futsi utfola umngani, Nathanayeli, ngaphansi kwesihlahla, akhuleka. Watsi, "Wota, ubone kutsi ngubani lesimtfolile: Jesu waseNazaretha, indvodzana yaJosefa."

Bukisisani manje kutsi Watembula kanjani Yena lucobo.

⁹¹ Wase utsi, "Manje ingabakhona yini intfo lenhle levela eNazaretha na?"

⁹² Watsi, "Wota ubone." Leyo yimphendvulo lenhle kunato tonkhe noma ngumuphi umuntfu langayiniketa lomunye. Ungakugceki nje. Wota, utitfolele wena. O, kube kuperha besingaba cotfo kangako, namuhla.

⁹³ Futsi asesendleleni yakhe atungeleta, ucalu kumnika umyalo. Ngani, utsite, "Phetro, itolo, indvodza... Khefasi, uyamati lomdwеби lomdzala na?"

"Yebo."

⁹⁴ "Wenyukele embikwaLendvodza lena, futsi Yamtjela kutsi bekangubani nekutsi bekungubani uyise."

"A," watsi Nathanayeli, "Angati ngaloko."

⁹⁵ Futsi ngesikhatsi enyukela lapho Jesu bekakhona, angene elayinini lapho Bekakhulekela khona labagulako, Jesu umhlabe ngalawo mehlo, futsi Watsi, "Bukani, umIsrayeli lokungekho nkhohliso kuye."

⁹⁶ Wati kanjani kutsi bekangumIsrayeli? EmaGrikhi nabo bonkhe, bagcoke ngalokufanako futsi bakubukeka ngalokufana. Wati kanjani kutsi bekangumIsrayeli? BekanguNkulunkulu abonakaliswe enyameni. Wentani Yena? Wabuka futsi Wambona.

Watsi, "Wena Ungati nini, Rabbi?"

⁹⁷ Watsi, "Ngaphambi kwekutsi Filiphу akubite, ngesikhatsi ungaphansi kwesihlahla, Ngikubonile."

⁹⁸ Watsi, "Loko kuyakucatulula. UyiNdvodzana yaNkulunkulu. UyiNkhosi ya-Israyeli."

⁹⁹ Jesu watsi, "Ngoba ngikutjele loku, uyakholwa na?" Watsi, "Khona-ke ungabona tintfo letinkhulu kunaloku."

¹⁰⁰ Kodwва lilunga lelibandla lelingakholwa lema lapho. O, hloniphani nje futsi nicine ngako konkhe. Impela. Bebeme

lapho netimfundvo letinkhulu, tentakalo tesemina yesayensi yetenkholo letinkhulu. Batsi, “LoMuntfu lona ungumbhuli. UnguBhelzebule.”

¹⁰¹ Jesu watsi, “Nisho loko kiMi, Ngitonitsetselela. Kodvwa uma Moya loNgcwele sekefikile futsi wenta info lefanako, livi linye lelimelene naYe lingekte litsetselelwe, kulelive leli kanjalo naseveni lelitako.”

¹⁰² Kwakunewesifazane lomncane lobekanemopho. Futsi weta adzabula esicukwini futsi watsintsia sembatfo saKhe, ngoba watsi ngekhatsi kuye lucobo, “Uma ngingatsintsia leNdvodza, ngitophiliswa.” WaMtsintsia. Wagijimela esicukwini, futsi wahlala phansi, nomangabe yini layenta.

NaJesu wajika, watsi, “Ngubani loNgitsintsile?”

¹⁰³ Phetro waMekhuta. Watsi, “Buka, sonkhe lesicuku siyaKutsintsia. Usholani Wena kutsi ‘Ngubani loNgitsintsile?’”

¹⁰⁴ Watsi, “Kodvwa ngibe butsakatsaka. Emandla, noma kucina, kuphumile kiMi.” Futsi Wacalata, ngalawo mehlo, waze Wamtfola. Wakwenta kanjani na? Loko asikwati. Kodvwa Unguye itolo, namuhla, naphakadze. Futsi Watembula Yena lucobo esiveni semaJuda ngaleyondlela.

¹⁰⁵ Ngesikhatsi Efika kumaSamariya, lowesifazane bekasemtfonjeni, wesifazane waseSamariya lotsandzekako.

¹⁰⁶ Khumbulani, kunetive letintsatfu kuphela tebantfu. Loko, liJuda, weTive, nemSamariya; Hhamu, Shemu, nebantu bakaJafethi. NemSamariya bekaliJuda hhafu nehhafu webeTive. Futsi niyakhumbula ngesikhatsi kucala, ngesikhatsi bashada besifazane babo, nakanjalonjalo.

¹⁰⁷ Nalona wesifazane losemusha wenyukela lapho, lesikholelwa eveni letfu kutsi abe nguvesifazane loneligama lelibi, kodvwa bekangenjalo. Lomfana yaseNdiya anganitjela loko. Lena yiNcwadzi yasemphumalanga, futsi nitama kuyifundza ngemfundvo yasenshonalanga.

¹⁰⁸ Ngesikhatsi ngiya eNdiya, futsi ngesuka e—endizeni, eBombay, kwakukhona umbhishobhi welibandla leMethodisti, nabobonkhe, beme lapho. Watsi, “Ungasitjeli kutsi usitfunywa senkholo, Mnumz. Branham. Sati kakhulu ngeliBhayibheli kunaloko nine maYanki leniyoke nikwati.” Futsi loko kuliciniso. Watsi, “SibeneliBhayibheli iminyaka letinkhulungwane letimbili ngaphambi kwekutsi nibe sive.” Kunjalo. Libandla iSaint Thomas lisasolo lilapho, lapho Thomas loNgcwele ehlela khona futsi washumayela. “Kodvwa,” watsi, “siyacondza kutsi Nkulunkulu univakashele, kwenta leliBhayibheli liphile futsi.” Watsi, “Nguloko lesifuna kukwati.” Nguloko-ke. Live lilambele sinkhwa lesiphilako.

¹⁰⁹ Lowesifazane waseSamariya, lapho eme emtfonjeni, Jesu watsi kuye, “Mfati, Ase uNginatsise.”

¹¹⁰ Yebo-ke, watsi bebanekubandlululana. Kodvwa Wamatisa kutsi kwakungekho mehluko. Nkulunkulu wenta, ngengati yinye, bonkhe bantfu.

¹¹¹ Futsi Watsi, “Kube bewati kutsi Ngubani lobewukhuluma naye, bewutocela kiMi kwekunatsa.”

¹¹² Nengcogco yachubeka wate Wawubamba umoya wakhe. Khona-ke Watfola kutsi yayiyini inkinga yakhe. Watsi, “Hamba ulandze indvodza yakho futsi nite lapha.”

¹¹³ Kwentekani ngesikhatsi liJuda litjelwa loko na? LiJuda latsi, “UyiNdvodzana yaNkulunkulu.” Kunjalo.

¹¹⁴ Kwentekani kulomSamariya ngesikhatsi atjelwa loko, watsi, “Hamba uyolandza indvodza yakho ute lapha”?

¹¹⁵ Watsi, “Mnumzane, ngiyabona kutsi Wena ungumProfethi. Manje, siyati kutsi uma Mesiya, lotsiwa nguKhristu, uma Efika, Uyositjela letintfo leti. Kepha Wena ungebani?”

Watsi, “NginguYe lolokhuluma nawe.”

¹¹⁶ Wagijimela edolobheni, futsi watsi, “Wotani, nibone uMuntfu longitjele tintfo lengitentile. Ngabe lona akusuye yini Mesiya na?”

¹¹⁷ Futsi Akazange akwente loko, ngalesinye sikhatsi, kubeTive. Ngani na? Wakushiya kute cube ngulolosuku. Nguloko Lakusho lapha, “Ngetinsuku lapho iNdvodzana yemuntfu iyotembula Yona lucobo ivela eZulwini.” Uyatembula Yena lucobo manje, eBandleni, ngesihawu. Ngesikhatsi lesilandzelako Latembula Yena lucobo, kusekubhujisweni, kulabo labale uMlayeto.

¹¹⁸ Nkulunkulu sihawukele...kitsi, sisakhuleka umzuzwana nje. *Ngalelipansi NangeSineke*, Dzadze Gertie, uma utsandza.

¹¹⁹ Ngiyatibuta nje, kusihlwa, ngiyanivela nime ngaselubondzeni. Futsi ngiyakuva kulangatelela kwenu. Ngiyatibuta nje, o, uma utowetsembeka kuwe lucobo naNkulunkulu, umzuzwana nje.

¹²⁰ Ngabe impela niyafuna kusheshisa futsi niphume kuloku? Kukhona uMuntfu ebukhoneni kusihlwa, lobitwa ngeNkhosi Jesu. Unelithikithi lakho, nako konkhe lofanele ukwente kutsi nje uMnike inhlitiyo yakho. Utoyigeza eNgatini yaKhe luCobo, futsi akuhlante kuso sonkhe sono nekungabata, futsi uyokuyisa eZulwini laKhe uma Efika.

¹²¹ Futsi kungahle kufike ngaphambi kwasekuseni, tiputniki. Akukho nayinye intfo isayensi lets...Uyakuva, nsuku tonkhe, emsakatweni, uma bakumabonakudze, uma bacocisana ngaletesayensi. Batsi, “Ayikho intfo lengavimbela lomhlaba kutsi ungachunyiswa kunoma ngumuphi umzuzu.” Kubita nje sinatfo lesihle senkantini iVodka, futsi batodvonsa umkhwebulo, futsi nguloko-ke.

¹²² Phutfuma! LoMlayeto uyaphutfuma. Phutfuma! Baleka! Balekela kuphila kwakho! Phumanı kuyo. Phumanı kuleBhabhiloni yesimanjemanje. Sukani emabondzeni. Aniyiva yini intfo letsite idlukuta enhlitiyweni yenu na? Uma nibakamoya sibili, naNkulunkulu akhuluma nani! Impela, uma Akhuluma kuletotinyoni letincane, Angakhuluma nakuwe.

¹²³ Ungasiphakamisela sandla sakho kuYe na? Asinayo indzawo yekubeka bantfu batungelete i-altari lapha. Kodvwa uma nje utophakamisa sandla sakho, futsi utsi, "Nkulunkulu, bani nesihawu kimi." Nkulunkulu akubusise, mnaketfu. Nkulunkulu akubusise. O, hhe! Kusosonkhe lesakhiwo. Angati kutsi tingakhi tandla letikhona. "Bani nesihawu kimi, O Nkulunkulu. Lesi sandla sami. Ngifuna kubaleka, Nkhosi. Ngaphambi kwasekuseni, ngingahle ngive kumemeta kakhulu, ngabuka ngephandle nemishi yenkosazana itobe indanda etibhakabhakeni, iNdvodzana yemuntfu iyobe ita."

¹²⁴ Lusuku lolubi kakhulu kangaka pho, kutsi uphutselwe litfuba lakho. Wema utungelete libandla lakho ngco, awuzange na? "O," utsite, "make bekawakuleli." Loko kulungile, mnaketfu. Loko kulungile, dzadze. Kodvwa insindziso yamake ingeke ikutsatse ikungenise. Make bekaphila elusukwini lolunye, futsi nawe uphila kulolunye.

¹²⁵ Vani uMlayeto weNkhosi, futsi nive secwayiso saMoya. Hloboluni lweMoya lowawungiWo, Lowo lowahlola lokufihlakele kutsi Sara bekahleka kanjani ngekhatsi kwelithende? INgelosi yeNkhosi.

¹²⁶ Manje tinhloko tenu tikhotseme, ngifuna kukhulekela ngamunye wenu.

¹²⁷ Wenteni uma uphakamisa tandla takho na? Utsi, "Ngabe loko kusho lutfotsite, Mnaketfu Branham na?" Impela kukwentile. Uma bewusho loko mbamba, bekusho umehluko emkhatsini wekuPhila. LoMlayeto uyaphutfuma. Ungeke wasiphakamisa sandla sakho njengamanje na? "Bani nesihawu, Nkulunkulu, kimi."

¹²⁸ Nkulunkulu busisa lentfombatanyana. Nkulunkulu busisa lodzadze. Nkulunkulu akubusise; wena, ndvodzana; wena, wena, nsizwa. Bantfwana labancane kuwo onkhe lama-altari baphakamise tandla tabo letincane. Yebo-ke, busisa tinhliyi tabo letincane!

Wena utsi, "Abakacondzi kona loko." O, yebo, bakucondzile.

¹²⁹ Jesu watsi, "Vumelani bantfwana labancane bete kiMi, ningabaleli, ngoba umbuso waNkulunkulu uwalabanjalo." Bangahle bangaphili kutsi babengulababhadlile. Kodvwa, bayobanjalo. Abayuze... Bayobaleka, mhlawumbe, tonkhe tintfo letinkhulu lesifanele sendlule nato.

¹³⁰ “Nkulunkulu, bani nesihawu!” Uma niphakamisa tandla tenu, kukhombisa kutsi kukhona lokutsite kuwe lokwente sincumo. Umtimba wakho bewungabe ufile kube bekungekho lutfo kuwe, lolutsite, “Phakamisa tandla takho.” Lowo bekunguMoya. Khona-ke phakamisa sandla sakho. Nkulunkulu wakufakazela. UMoya wakwenta kutsi uphakamise sandla sakho.

¹³¹ Nkulunkulu akubusise, nabo bonkhe labantfwana labancane emuva lapho. Labo labancane, bantfwana labangemakhalatsi, nabo, ngalapho, Nkulunkulu abusise tinhltiyo tenu letincane, s'thandwa. Nkulunkulu uyanitsandza. Impela.

¹³² Siyaphuma lapha, ngalolunye lwaletinsuku leti. Angati kutsi kutoba nini, kodvwa ku—kuyeta. Phutfuma, masinyane impela, ngena embusweni! Wena utsi, “Yebo-ke, ngikuvile loko phambilini.” Ungahle ukuve ngesikhatsi sakho sekugcina, futsi. Lesi akube ngiso lesikhatsi.

Nkulunkulu akubusise emuva lapho, dzadze lomncane.

¹³³ Suka kuto tonkhe letintfo leti letindzala tesimanje, letibondza letindzala. Tonkhe titowela phansi. Wonkhe lomculo wekutinyukunya nato tonkhe letintfo leti tiyobhubha kanye nelive. Ningabalelwaa ndzawonye nelive. Phumanilapho. Nkulunkulu utela liBandla laKhe. Ukukhetsile, kungalesosizatfu Akhulumawa nawe. LoMlayeto uyaphutfuma. Wota masinyane!

¹³⁴ Manje, sisakhuleka, banini cotfo manje futsi nicele Nkulunkulu kutsi abe nemusa kini.

¹³⁵ Nkhosi lebusisiwe, kungahle kube nebantfu lapha longakaze akubone kusebenta kwemandla aNkulunkulu phambilini, kodvwa lokutsite phansi enhlitiyweni yabo kutsi, “Phakamisa sandla sakho. NgMi.” Futsi bayabona kutsi kukhona lubito loluphutfumako. Bona, bahlakaniphe ngalokwenele kutsi bacalate futsi babone kutsi kukhona intfo lelungiselela kwenteka.

¹³⁶ Bantfwana labancane, labanengi babo baphakamisa tandla tabo letincane. Nkulunkulu, bahawukele. Labanengi labadzala nalabasekhatsi nendzima yemphilo, baphakamise tandla tabo. Ematjiti nemabhungu aphakamisa tandla tawo. Afuna sihawu, Nkulunkulu. Futsi ngiyajabula kakhulu kwati kutsi sambulo sekucala saKhristu ngumusa; sambulo sesibili sekwehlulela. O Nkulunkulu, ngiyaKubonga ngalaba labatsetse sihawu kusihlwa, umgwaco wesihawu. “Babusisiwe labanesihawu, ngoba bayohawukelwa. Babusisiwe labalambako futsi bomele kulunga; bayosutsiswa.”

¹³⁷ Khanyisa tibane tabo, kusihlwa, Nkhosi. Kwangatsi bangaba ngemakhandlela lelibekwe egcumeni, lelingeke lifihlwe, kodvwa niketa kukhanya etikolweni netindzawo lapho batochumana

khona, kusukela emvakwaloku. Siphe kona, Nkhosi. Kwangatsi bangaba tibane letitokhanyela inkhatimulo yaNkulunkulu. Babusise.

¹³⁸ Futsi ngalelinye lilanga, eveni lelincono, Nkhosi, kwangatsi sonkhe singahlangana situngelete lelotafula lelikhulu laNkulunkulu, kulesoSidlo seMshado. Gcina uMoya waKho etikwetfu, Nkhosi. Busisa labo labeme batungelete emabondza, nangaphandle kubovulande nasemaceleni, labaphakamise tandla tabo, nakanjalonjalo. Bani nabo, Nkhosi. Bemile, futsi babanjwe timfinyezi emilenteni, kusihlwa. Kodvwa, bani nesihawu. Siphe letintfo leti.

¹³⁹ Batitselo taloMlayeto lomncane losheshisiwe kusihlwa. Ngikhulekela kutsi tingelosi taNkulunkulu titokwenta kube ngulokuphatseka sibili etinhlityweni tabo, kutsi bangeke—bangeke baphutselwe ngisho nangukuphi kwaWo. Futsi batitselo, futsi ngibetfula kuWe. Futsi Ubapha Jesu, ngoba batipho taKho telutsandvo kuYe. “Akekho longabahlwitsa esandleni, ngoba akekho lomkhulu kunaNkulunkulu.” Futsi ngikhulekela kutsi Utobagcina babyelekile ngalokuphephile aze Jesu ete kubo.

¹⁴⁰ Kwangatsi bonkhe lalabanye bangaphutfuma, Nkhosi, futsi baphutfume, ngoba loMlayeto uyaphutfuma. Sifanele siphume masinyane ngaphambi kwekutsi kufike kubhujiswa. Futsi manje, Nkhosi Nkulunkulu, ngikhulekela kutsi Utotfumela iNgelosi yaKho, leyo Lefanako leyahlala na-Abrahama. Siphe kona, Nkhosi. Futsi beyikhona kusho kutsi Sara bekentani, lemuva ethendeni. Futsi leyo kwakuyiNgelosi yeSivumelwano. Leyo kwakuyiNgelosi leyaletsa sihawu ngaphambi kwekutsi umlilo wehle. Cishe nomangusiphi sikhatsi, umlilo bewungehla manje, ema-athomu lebekatobhidita wonkhe umhlaba kabilo. Kwangatsi Angeta kusihlwa futsi asiphe sihawu, Nkhosi, ngoba sikucela eGameni laJesu. Amen.

¹⁴¹ O, kukhona lokutsite mayelana naleliVangeli lelidzala lelibusisiwe, Libonakala lisikolobha. NgiyaLitsandza.

¹⁴² Ake sihlabele lelo kanye, “Kalula nangesineke Jesu uyabita.” Wonkhe umuntfu, asiphakamisele tandla tetfu kuYe. Nitokwenta na?

Ngaleliphansi nangesineke Jesu uyabita,
Ubita wena nami,
Naloku sonile, Unesihawu nentsetselelo,
Kutselelwa kwakho nekwami.

Buya ekhaya, buya ekhaya, (Valelwa nje
ngekhatsi naKhristu manje.)
Nine lenikhatsese, buyani ekhaya;
Ngebacotfo, nangesineke, Jesu uyabita,
Uyabita, O soni, Buy'ekhaya!

¹⁴³ [Akucoshwanga etheyiphini—Umhl.]...awukaze ube kulenyе yetinkonzo tetfu tekuphilisa phambilini, asibone tandla tenu. Anikaze nibe kuletinkonzo? Loko kuhle. Ngijabula kakhulu kuba nani lapha.

¹⁴⁴ Manje, angitisho kutsi ngingumphilisi. Ngisho nje kutsi Jesu akafi, kodvwa Uyaphila. Angisuye umphilisi. Kute baphilisi. Khristu sewuvele uniphilisile. “Ngemivimba yaKhe niphilisiwe.”

¹⁴⁵ Kodvwa ngifuna kunibuta nine lenifikako lokutsite. Manje, mhlawumbe uya ebandleni lelitsite. Labanengi benu lophakamise sandla sakho ngalesosikhatsi, uphakamise sandla sakho ngemkhuleko, esikhashaneni lesendlulile. Uma ungenalo libandla lotikhetsеле lona, siyakwemukela eTabernakeli laBranham lapha, lapho uMnaketfu Orman Neville lotsandzekako, indvodza lemesabako nkulunkulu lengafundzisi lutfo ngaphandle kweliciniso, eBhayibhelini. Nemukelekile enhlanganyelweni yetfu. Nje si...Hhayi lihlelo. Silibandla nje lapha, inhlanganyelo. SiyiMethodisti, iBaptisti, iPresbyterian, iPhentekhostali, iLuthela, sonkhe singiwo onkhe. SingemaKhristu lakutsandzako. Futsi sikhulekela kutsi utokutfola...Uma ungeke ukhone kuta lapha, utitfolele libandla lasekhaya lelihle, ndzawanatsite, lapho bashumayela khona mbamba liVangeli, futsi kuze wondliwe ngaMoya waNkulunkulu.

¹⁴⁶ Yonkhe indzawo, kusosonkhe lesakhiwo, kusihlwa...Uma iNkhosi Jesu ivukile kulabofile, futsi nginitjele liCiniso, khonake Nkulunkulu ubophelekile eVini laKhe, kukwenta kube njalo. Niyabona na?

¹⁴⁷ O, ningesabi kuLetsema. Loko kusemkhatsini wekutsi liBhayibheli, LiliCiniso, noma Alisilo liCiniso. Uma Lingesilo liCiniso, Ngumdukisi lomkhulu kunabo bonkhe labake babhalwa, ngoba Linetigidzi letidukisiwe. Ngike ngema, sikhatsi lesinengi, neKhorani esandleni sinye neliBhayibheli kulesinye, embikwebakaMohamede, futsi ngatsi, “Lelinye licinisile nalelinye liliphutsa. Akutsi Nkulunkulu, lowo longuNkulunkulu sibili, akhulume.” Ningesabi. Akayuze akushiye. Akayuze esuke ahambe.

¹⁴⁸ Manje, iNkhosi Jesu, ngesikhatsi Ilapha emhlabeni, lemisebenti Leyayenta, lesisanda kuyicaphuna, Wetsembisa kutsi Bekatobuya futsi ngaphambi kwekuphela kwesikhatsi futsi ente tintfo letifanako. Watsi Uyokwenta ngeliBandla laKhe. Manje, Watsi, “NginguMvini, nine ningemagala.” Manje, uMvini awutseli sitselo. Magala latsela sitselo.

¹⁴⁹ Manje, uma kungumvini welitsanga, utotsela ematsanga. Uma kungumvini welihwabha, utotsela emahwabha. Uma kungumvini we-khanthalophu, uyotsela ema-khanthalophu. Uma kungumvini wemagelebisi, uyotsela emagelebisi.

¹⁵⁰ Uma kungumvini wemKhristu, uyotsela Khristu, kuPhila kwaKhristu, imisebenti yaKhristu. Niyabona na? Ngako-ke, imimoya yetfu ifofanele ifakwe emandla ngentfo letsite.

¹⁵¹ Ngijajabula kakhulu kuba kuYe, kusihlwa. Anati, mhlambi lomncane, kutsi kungenta ngitive nginjani, ngati lapha, ngineminyaka lengemashumi lamane nesiphohlongo budzala, indvodza lendzala. Futsi sengishumayele manje iminyaka lengemashumi lamabili nesikhombisa. Emahlombe ami sekayagobana. Futsi, o, ngiyacondza kutsi angisesuye lowomfana lomncane lobekavamise kudlala timabula ngephandle lapha esitaladini. Kodvwa yinye intfo lengiyatiko, ngiyinceku yaKhe. Nginganconota kuba naloko kunako konkhe lengikwatiko. Ngoba bekutosita ngani lokunye na?

¹⁵² Ngitamile kwetsembeka kini nine bantfu. Ngitamile kwenta konkhe lengingakwenta kwetsembeka futsi ngibe neliciniso, ebukhoneni benu nasebukhoneni baNkulunkulu, ngoba ngiyati kutsi Uyasigadza ngasosonkhe sikhatsi. Manje, uma benginga...

¹⁵³ Ngitonitjela manje. LoMlayeto lomncane kusihlwa, ngitamile kuyekela kusenesikhatsi, kodvwa ngikhulekelala kutsi Nkulunkulu utotsatsa konkhe kwako kuye enhlitiyweni yenu. Phutfuman! Phutfuman! Phutfuman! Phuman! eBhabhiloni, ngalokukhulu nje kushesha leningakwenta. Ningahlali eveni. Sukani kulowombhedvo. Phuman! Phumelani lapha, nikhululeke, naKhristu. Sukani kuletotintfo. Ngoba anati kutsi awa lini lokungenteka kungabikhona lutfo ngaphandle nje kwemphuphu lesele kulomhlabu, kubema-gesi nje, nemhlabu lomdzala uchunyiswe waba ticucu. Kungenteka ngaphambi kwekutsi lenkonzo ivale, futsi ingeke iphikisane nemibhalo nhlobo. Bekuyogewalisa nje imibhalo. LiVangeli selishunayayeliwe. Naku kufika uMlayeto wekugcina.

¹⁵⁴ Manje, ningabuki tintfo letinkhulu esikhatsini lesitako. IMerica seyivele yonile ngelusuku lwayo lwemusa. Kunjalo impela. Kumakeni emaBhayibhelini enu futsi nitfole kutsi ngabe ngicinisile yini noma ngineliphutsa. Seyibe ngulokuphansi manje iminyaka lemibili.

¹⁵⁵ Billy Graham watsi, ekudleni kwakhe kwasekuseni kungesiko kadzeni. Waphakamisa liBhayibhel. Watsi, "Nali lizinga. Pawula waya edolobheni futsi waba nalophendvukako, wabuya ngemnyaka lolandzelako futsi wakhandza kunalabangemashumi lamatsatfu." Watsi, "Ngija edolobheni futsi ngibe nemvuselelo, yalabaphendvukile labatinkhulungwane letingemashumi lamabili, bese nangibuya etinyangeni letisifupha ngingatfoli mhlawumbe nemashumi lamabili."

¹⁵⁶ Yini indzaba na? Kunetinhlanti letinengi kakhulu nje echibini. Kunalabanengi kakhulu nje Nkulunkulu labati

ngaphambi kwekusekelwa kwemhlaba, futsi umiselwe ngaphambili ekuPhileni lokuPhakadze. Uma lowo wekugcina angena, loko kuyakucatulula.

¹⁵⁷ Kwakunetinyoni letinengi kakhulu nje letaya kuyongena emkhunjini, tilwane letinengi kakhulu nje letehlukene tangena kulowomkhumbi. Nemnyango wavalwa, nguNkulunkulu, futsi wasuka kubo bonkhe labanye, naloku nje betama kungena.

¹⁵⁸ Futsi mngani wami lotsandzekako, uma ungekho ekhatsi, ngenani khona manje, lapho Nkulunkulu asabita, ngoba iminyango yemusa ingavaleka, kuweTive, noma ngasiphi sikhatsi. Manje, futsi manje lengikwentako, manje, ngitoba ne... Lelengikukhulumako manje...

¹⁵⁹ Ngikhulumile, nemavi ami, kube bengishumayele ema-awa, bekungeke kusho kwasahhafu nelivi linye nje lelivela kuKhristu wetfu lotsandzekako. Manje, kodvwa loko lengikushumayelile, kusekutseni ngikhulume liCiniso noma emanga. Uma ngikhulume emanga, Nkulunkulu angeke atihlanganise ngalutfo nako. Uma ngikhulume liCiniso, Nkulunkulu uyokuma emvakweLivi laKhe.

Nitsi mangakhi? Nikhiphe emakhadi langemashumi lasihlanu?

¹⁶⁰ Ngitonikhombisa kutsi kungani sifanele sikhipe emakhadi, uma ninenkonzo yekubona lokufihlakele. Angisho kutsi Utokwenta. Angahle angakwenti. Kodvwa ngifuna netsembeke kimi. Bangakhi ekhatsi lapha labangatsanza kungena elayinini manje? Phakamisani tandla tenu, kusosonkhe lesakhiwo, nomangabe nikuphi. Wonkhe umuntfu kulesakhiwo lofuna kungena elayinini, phakamisani tandla tenu. Manje kungaba kanjani... Ngubani longaba wekucala na? Niyabona na? Beningeke nikhone kukwenta. Sifanele sinikete emakhadi, kute sigcine li—lilayini.

¹⁶¹ Manje, unikete emakhadi langemashumi lasihlanu. Futsi asesibite nje kutungeleta yonkhe indzawo, ngalesosicuku semakhadi, futsi loko kutonika wonkhe umuntfu litfuba lekuchubeka.

¹⁶² Manje, akusiko loko lokwenteka *lapha*. Nguloko lokwenteka *lapha*. Niyabona na? Akusiko, kutsintsa mine. Kukutsi, tsintsani Yena. Bangakhi lowatiko kutsi liThe testamenti leLisha, iNewadzi yemaHebheru, yakusho loko khona manje, kutsi, "Khristu ungumPhristi loMkhulu lonekuvelana nebutaksaka betfu"? Yebo-ke, bewungati kanjani kutsi uMtsintsile na? Nge, Ukhuluma akuphendvule ngco, njengoba Enta. Uma Anguye itolo, namuhla, naphakadze, Ufanele atibonakalise Yena lucobo ngalokufanako nje njengoba Entile itolo naphakadze. Ngako, niyawubona umlayeto wekugcina kumaJuda nabo, kutsi Wakwenta kanjani na? Manje loku yi la-...

¹⁶³ Uma Atibonakalisa nganoma nguyiphi lenye indlela, ngelihlelo, Bekayoba ngulongakalungi. Akazange Atibonakalise ehlelweni, ngoba kwakungekho kwasahlelo ngetinsuku taKhe. Watibonakalisa Yena lucobo ngalokungetulu kwemvelo, njengoba sishito manje ekuseni, njengembhalo wesandla elubondzeni, inchazelo. Unguye itolo, namuhla, naphakadze. Nkulunkulu abe nani manje.

¹⁶⁴ Utsite, “Lekucala kuya kulemashumi lasihlanu.” Kulungile. Ngubani lonelikhadi lekukhulekelwa lekucala, ungasiphakamisa nje sandla sakho. Bukan emakhadi enu. Lomunye usemibhedzeni lemincane, noma ngukuphi, futsi akakhoni kusukuma, wonkhe umuntfu akabuke likhadi lalomunye nalomunye. Likhadi lelincane nje. Angicabangi kutsi lawa anesitfombe sami kuwo, ngisho. Likhadi lelincane lelijwayelekile nje. Lekucala, nomangabe ukuphi. [Lomunye umnaketfu utsi, “Khona lapha.”—Umhl.] Kulungile. Ungema nje lapho ukhona, mnumzane. Lesibili, ungasiphakamisa sandla sakho. Lodzadze khona *lapha*. Lesitsatfu, ungasiphakamisa sandla sakho. [Akucoshwanga etheyiphini.]

¹⁶⁵ Sitihambi. Lesi sikhatsi setfu sekucala sekuhlangana-ke, emphilweni, ngiyacabanga. Ngako-ke, iNkhosi Nkulunkulu iyasati sobabili. Yati konkhe ngawe, futsi Yati konkhe ngami. Kodvwa uma Yena, ngemusa waKhe, angakhona . . .

¹⁶⁶ Uma bengingatsi kuwe, “O, mnumzane, uyagula. Futsi ngi . . . Utowelulama.” Bewutoba nalo lilungelo lekukungabata loko. Kutsi tetsameli betitoba nelilungelo lekudideka, kuloko. Impela. Unelivi lami kuphela.

¹⁶⁷ Kodvwa uma Moya loyiNgewelete atokuta futsi amtjele lokutsite lakwentile, intfo lengingati lutfo ngayo, loko bekukutsi, utokwati kutsi loko kuliciniso noma cha.

¹⁶⁸ Ngako-ke uma Ati kutsi bekuyini, impela, uma loko kunjalo, Angakutjela kutsi kutoba yini, futsi kutolunga.

¹⁶⁹ Ufanele ukukholwe loko, Nkkt. Cox, awukafaneli na? Nkkt. Cox ahleti lapho, kwentekile nje ngamcaphela, uvela eKentucky, ngalapha. Loyo waNkkt. Wood . . . lapha ndzawanatsite labandleni, make wakhe. Umdlavuza sewudle wacedza buso bakhe, ekhatsi *lapha*.

¹⁷⁰ Bengehla ngisuka enhla emahlatsini asenyakatfo. Umkami wangibita, watsi, “Angikaze ngimbone umuntfu adzabuke kangaka emphilweni yami, njenga—njengaNkkt. Wood.” Futsi uMnumz. naNkkt. Wood babangani bami labakhulu. Futsi ngawelela kulodzadze, ngaphuma na ISHO KANJE INKHOSI. Umdlavuza wafa.

¹⁷¹ Lapho, lowesifazane ahleti lapho, futsi kulukhuni kutsi usho kutsini . . . Ungasukuma nje, Nkkt. Cox, kute bantfu babone. Yonkhe indzawo yemphumulo yakhe nako konkhe, idliwe

yaphela ngumdlavuza, kuyotsi ngcu emehlwani akhe. Gucuka kute tetsameli tikwati kukubona emuva lapho. Umdlavuza.

Uhlala alungile. Akazange sekabe neliphutsa.

¹⁷² Manje, uma iNkhosi Nkulunkulu wetfu itokwembula kulomnaketfu, akutsi yena abe lijaji, uma iNkhosi Nkulunkulu wetfu itokwembula kuye loko lakutele lapha. Noma, intfo letsite njengoba Enta kulowesifazane e... Noma, njengoba Bekangatsi njengoba Enta kuFiliphu, ngesikhatsi Nathanayeli amtfola... noma Nathan-... Filiphu watfola Nathanayeli. Futsi utokwembula; nonkhe nitokholwa, nonkhe nine bantfu niyakholwa na? Uma—uma umuntfu ati kutsi angati lutfo ngaye; futsi ngiphakamise tandla tami, angati lutfo ngaye. Waphakamisa tandla takhe, kutsi bengingamati, noma akangati. Khona-ke uma iNkhosi itokwembula, nonkhe nitokwemukela, nitokwemukela na? Bangakhi na? Phakamisani tandla tenu, kute nje ngibone. Manje, iNkhosi inibusise.

¹⁷³ Manje, mnumzane, ngime lapha nje, ngilindzele kubona kutsi Utongitjela kutsini, ngako wena bani lijaji. Futsi uma noma ngubani angabuka, lendvodza iwalavile emehlo ayo, ngako niyabona bekungeke kwaba kufundza ingcondvo. Hlala nje nemehlo akho avaliwe. Uma iNkhosi yetfu Jesu... Uma Itokwembula, sitobonga kuYo.

¹⁷⁴ Kodywa lendvodza leme lambikwami, loko lekutele lapha, kuludzaba lwakamoya lafuna kuhulekelewa lona. Liciniso lelo. Uma loko kunjalo, phakamisa sandla sakho kute bantfu babone. Manje uyakholwa na? Angikaze ngimbone emphilwemi yami, kodywa naku lapha. Intfo letsite ihlupha umcondvo wakhe. Manje, ngesikhatsi ngichubeka nekukhuluma naye, kutoshiko lokungetulu. Manje hloniphani.

¹⁷⁵ Yentani leyoNgelosi? Yayifulatselise, umhlane Wayo, futsi Yatsi, "Uhlekeleni Sara?"

Watsi, "Angikaze nighleke."

Yatsi, "O, yebo, uhlekile." Ngoba, bekesaba.

¹⁷⁶ Manje uma letetsameli tisasolo tiliva liphimbo lami, etipikheni. Lendvodza ibonakala ihamba isuka kimi. Ngibona wesifazane emile. Nguleyo intfo lemcosa lendvodza leyitele lapha. Itele umkayo, futsi akekho lapha kanye nayo. Futsi unenkhatsato yebesifazane, inkhatsato yebesifazane, futsi unenkhatsato yelicolo lakhe. Lelo liciniso.

¹⁷⁷ Awusuye wakulelidolobha. Uvela kulelinye lidolobha, lelibitwa ngeMarysville. Loko kunjalo. Manje hamba uye ekhaya futsi ukutfole ngendlela lokukholwe ngayo. Kuyoba ngaleyondlela, eGameni leNkhosi. Nkulunkulu akubusise. Leloduku, ungeke ulidzinge kutsi liye kulowesifazane; bewunalo ekhukhwini lakho, kodywa ungeke ulidzinge.

¹⁷⁸ Ngiyakwati. Angilati ligama lakho. Kodvwa unguwesifazane lobekeme lapho emnyango longemuva, ngalelinye lilanga, kutsi iNgelosi yeNkhosi ita kimi, ngesikhatsi tikhatsi takho tekuba lapha etabernakeli kwekucala, futsi yembula intfo letsite lekwakuyimfihlo lephelele. Futsi waphiliswa, unemdlavuza. Kunjalo. Kodvwa anginalwati kutsi yini indzaba ngawe manje. Angati. Uyakwati loko. Anginalwati kutsi yini lengalungi ngawe. Kodvwa, uma iNkhosi itokwembula, utokwemukela yini? [Lodzazde utsi, “Yebo.”—Umhl.] Ngi . . .

¹⁷⁹ Awukatiteli lapha wena lucobo. Utele umntfwana. Nalowomntfwana uhlaselekile. Futsi lokuhlaseleka kusemgogodleni. Njengekutsi, akakhoni kusukuma, noma intfo lefana naleyo. Futsi ngibona batali balowomntfwana, bane-rosari. BangemaKhatolika. Futsi titsandzani letindzala, ngu, bogogo nabomkhulu bangiwo emaKhatolika, nabo. Futsi umele lomntfwana. Tsatsa liduku lakho bese ulibeka etikwakhe. Ungangabati, ungaba nako lolokucelako. Manje kholwa ngayo yonkhe inhlitiyo yakho.

Uyakhholwa na?

¹⁸⁰ Ngicabanga kutsi lodzadze usihambi kimi. Sitihambi lomunye nalomunye, kodvwa iNkhosi Jesu iyasati sobabili. Manje nasi sitfombe lesiphelele. Nasi sitfombe saJohane loNgewe 4. Wesifazane lolikhalatsi, indvodza lemhlophe; ngalolosuku, kwakunguMsamariya, neliJuda, tive letimbili tebantfu. Jesu wamatisa, masinyane, kutsi kwakungekho mehluko. Sonkhe sitidalwa taNkulunkulu. Lelive lesiphila kulo, lintjintja umbala wetfu, akukaphatselani nako. Nkulunkulu bekafuna bantfu baKhe ngaleyondlela. Wenta umuntu lomhlophe, lomnyama, lonsundvu, lomtfubi, lobovu. Wabenta ngaleyondlela. Lowo ngumsebenti waKhe. Futsi Usitsandza sonkhe. Kodvwa nasi sitfombe lesiphelele, bantfu lababili longakaze ahlangane phambilini, nesikhatsi setfu sekucala, tive letimbili letehlukene.

¹⁸¹ Manje, ngiyabona kutsi ulikholwa. UngumKhristu, ngoba umoya wakho uyemukeleka. Futsi leyoNgelosi lenkhulu yaNkulunkulu beyingeke yemukele lutfo lebeyiliphutsa. Impela ingeke. Uyasibona lesositfombe etulu lapho, leyoNgelosi kulesositfombe lapho, loko kuKhanya etulu ngetulu lapho ngime khona? Nguloko lokukwenta utivele ngalendlela lotivela ngayo manje. Kuta nje konkhe etikwakho.

Umzuzwana nje, Dzadze Gertie.

¹⁸² Kubonakala kuba yintfo letsite, angikhoni nje kubamba lodzadze kahle. Yebo. Lowesifazane uphetfwe simo sekwetfuka. Utfola kwetfuka. Uwisa tintfo. Kunjalo. Futsi-ke unenkinga yakamoya lotama kuyicatulula, ngoba bewusolo ukhuleka sikhatsi lesitsite. Liciniso lelo. Futsi unesifo sematsambo. Ngiyakubona utama kuvuka embhedzeni wakho, kancane,

ikakhulukati ekuseni. Unalokutsite lokungalungi emgogodleni wakho, nawe, yinkinga yemgogodla. Lowo ngu ISHO KANJE INKHOSI.

¹⁸³ Uyangikhola kutsi ngingumprofethi waNkulunkulu? Ukhola nguNkulunkulu lofanako lobekati kutsi Simoni bekayokwati na? Uma Nkulunkulu atokwembula loko, ngabe kutokwenta likholwa lelicinile, kutsi uyakutfola lokutfolako na? Bakubita nga, “Nanny.” Neligama lakho lekugcina unguJohnson. Futsi uhlala eNew Albany. Buyela ekhaya futsi welulame, eGameni leNkhosi Jesu. Amen.

Kholwa nje.

¹⁸⁴ Ngabe sitihambi kulomunye nalomunye, dzadze? Singito. Kute nje—kuze nje bantfu babone, ungasiphakamisa nje sandla sakho, kutsi utsi, “Sitihambi. Nje...” Manje iNkhosi Nkulunkulu iyasati sobabili. Futsi uma Itosipha lesicelo lesi, utojabula ngaso?

Manje labanye benu sewucale kukholwa.

¹⁸⁵ Manje, kunemlungu lophika kuvela lambikwalona wesifazane lapha.

¹⁸⁶ Ngulendvodza lehleti khona lapho. Une...Loko kulungile, hlala nje lapho ukhona. Unenkhatsato yetinso. Unenkhatsato yelicol. Futsi unenkhatsato yesisu. Kunjalo. Manje hamba, ukholwa, futsi ngeke kusakukhatsata.

¹⁸⁷ Kholwani nje. Ngiphonsela kukholwa kwenu insayeya kutsi nikukholwe. Bangakhi lokukholwako ngenhlitiyo yakho yonkhe? Kulungile, ngako-ke buka uphile.

¹⁸⁸ Uma iNkhosi Nkulunkulu wetfu itokwembula kulona wesifazane, losihambi ngalokuphelele kimi. Futsi nato tandla tefu tiphakeme, kutsi asizange sesihlangane naye phambilini, ngekwati. Futsi uma iNkhosi Nkulunkulu wetfu itokwembula kulona wesifazane, futsi ente intfo lefanako Layenta, njengalowesifazane e...Wesifazane waseSamariya. Ngabe nonkhe nitokholwa ngenhlitiyo yenu yonkhe, ke? Loko kutocedza indzaba ingunaphakadze, nani?

¹⁸⁹ Niyabona, nginemhlangano lotako. Ngitofanele ngihambe kusasa. Futsi ngifanele ngiye eVirginia, nemhlangano lomkhulu lotako. Angifuni kuba butsakatsaka kakhu, ngime lapha. Kulungile, ngitotsatsa sikhatsi, umzuzwana nje, nalowesifazane. Futsi niyakholwa.

¹⁹⁰ Noma ngabe ungubani lowesifazane, unebumnyama lobubukeka kabi lobumlandzelako. O, ku—kulusizi. Bewunenkhatsato nje letsite. Ushonelwe ngumntfwana, luswane. Kunjalo. Futsi lenye intfo, uhlushwa yinkhatsato yebesifazane, inkhatsato yebesifazane, nenkhatsato yelicol. Kantsi futsi uneluhlobo lolutsite lwentfo leyenteka kuwe, njengekuculeka. O, sifo sekuwa. Kunjalo. Awusuye

wakulelidolobha, nawe. Wewelete umfula, kute ufile lapha. UwaseLouisville. Uhlala endlini lengunombolo, lebitwa nga, 1754 eWest Oak Street. Ligama lakho unguMargaret Quinn. Kulungile.

¹⁹¹ Nkhosi Nkulunkulu, Mdali wemazulu nemhlaba, nika lowesifazane loko lakufisako, ngoba ngicela lesitsa lesi kutsi simshiye, eGameni laJesu. Amen.

¹⁹² Nkulunkulu akubusise, dzadze. Ungangabati. Hamba futsi wemukele manje lolokucelile.

¹⁹³ Uyakhola ngenhlitiyo yakho yonkhe?

¹⁹⁴ Sawubona, mnumzane? Luko kwekeucala kitsi kutsi sihlangane, ngiyacabanga. Uyakhola kutsi iNkhosi Nkulunkulu wetfu ilapha kutokwenta futsi ikuphe tintfo lotifisako na? [Lomnaketfu utsi, “Yebo, Ngiyakhola. Ngiyati kutsi Ilapha. NgiyaYibona.”—Umhl.] Ngiyasidvumisa sibindzi sakho. Futsi ute lapha ngenca yentfo lesentsetfweni. Ufuna kuyekela kunatsa nekubhema. Yebo-ke, sekuhambile kuwe manje. Hamba, nekuthula kwaNkulunkulu kube kanye nawe futsi kukwente ukholwe. Nkulunkulu abe nawe.

“Uma ungakhola nje, tonkhe tintfo tingenteka.”

¹⁹⁵ Ufuna kususa leyonkhatsato yelicolo na? Yehlela lapho, udvumisa Yena, futsi utokususa. Hamba nje, ukukholwa, ngayo yonkhe inhlitiyo yakho.

¹⁹⁶ “Uma ungakhola nje,” liBhayibheli lapho. Hloniphani ngekutifoba. Kholwani kutsi loko Nkulunkulu lakwentako kuliCiniso.

¹⁹⁷ Ngiyakwati. Ngitonikhulekela nje. Ngiyayati inkhatsato yakho.

¹⁹⁸ Nkhosi Nkulunkulu, bani nesihawu kulowesifazane futsi uphe lesicelo lesi, ngoba ngikucela eGameni laJesu. Amen. Angikhumbuli...Ligama lakho unguBaker? [Lodzadze utsi, “Yebo, mnumzane.”—Umhl.] Kunjalo. Ngi—ngiyakhumbula manje. Nkulunkulu akubusise. Chubeka ngco manje futsi uMkholve ngayo yonkhe inhlitiyo yakho. Kulungile.

¹⁹⁹ Angikwati, dzadze. Sitihambi. Kunjalo. Ufuna kudla kudla kwakho kwakusihlwa, susa leyonkhatsato yesisu, lesosilondza lobenaso sonkhe lesikhatsi lesi? Hamba, udle, ke, naJesu Khristu uyakusindzisa.

²⁰⁰ Ngiyakwati wena. Futsi ngiyayati kutsi iyini inkhatsato yakho. Awati—awati kutsi ngiyayati, kodvwa, ngi—ngiyayati. Ngako njengoba uta lapha etabernakeli, angeke ngiyisho. Kodvwa tifo tekucacamba kwematsambo titosuka kuwe uma nje utokukholwa. Chubeka. Nkulunkulu akubusise.

²⁰¹ Ake sitsi, “Akabongwe Nkulunkulu.” [Libandla litsi, “Akabongwe Nkulunkulu.”—Umhl.]

²⁰² Uphetfwe yimizwa, futsi. Unenkhatsato yesisu lesikuhluphako. Uyakholwa kutsi iNkhosi Jesu itokuphilisa na? [Lodzadze utsi, "Ngiyakholwa."—Umhl.] Ngako-ke hamba, nekuthula kwaNkulunkulu kuphumule etikwakho. Ngifuna nje kubeka tandla etikwakho, nekukholwa ngayo yonkhe inhlitiyo yetfu, kutsi Nkulunkulu utokwenta.

²⁰³ Ngisihambi kuwe, ngiyacabanga, dzadze. Ngabe uyangati? Uta lapha ebandleni? Uyeta. Angikaze ngikubone. Kusobala, bantfu labanengi kakhulu bayangena. Kulungile. Hamba, ukholwa, futsi leyonkhatsato yebesifazane itosuka kuwe, lenkhatsato yadzadze lobewunayo. Uyakholwa na? [dzadze utsi, "Yebo."—Umhl.] Kulungile, ngako-ke hamba, naNkulunkulu utoba nawe futsi akusite, nginesiciniseko.

²⁰⁴ Uyakholwa, mnumzane? Uyakholwa kutsi iNkhosi itokutsatsa ikususe loko kugogeka kuwe, futsi ikuphilise, lesosifo sematsambo na? Chubeka ubuyele emuva lapho, uMbonga futsi uMdvumisa ngako, khona-ke utophila.

²⁰⁵ Uhlushwa yinkhatsato yekuguliswa yimizwa, awunjalo yini, dzadze? Loko kwetfuka kwengcondvo. Uba butsakatsaka impela, uhlushwa malumbo, ikakhulukati ntsambama. Ngisho naSathane ukutjеле kutsi utolahlekelwa yingcondvo yakho. Kunjalo. Kodvwa ngemanga. Utosindza. Akusilutfo kodvwa nje sikhatsi semphilo longena kuso. Kuma kuya esikhatsini. Wonkhe wesifazane ufanele ete kuloko. Kodvwa utoba kahle manje. Uyalikholwa livi lami? Ngako-ke hamba, ubonge Nkulunkulu, futsi uhlabele emaculo futsi ujabule, futsi usindze.

²⁰⁶ Kulungile, dzadze. Ngisihambi kuwe, nami. Intfo lengakejwayeleki, ngesikhatsi ngisho loko kuye, kwakushiya ngesikhatsi lesifanako, ngoba nguleyo kanye nje inkhatsato yakho lebeyingiko, kwetfuka. Manje hamba ngendlela yakho, futsi ukholwe ngayo yonkhe inhlitiyo yakho, futsi utosindza. Amen. Hamba futsi ukholwe ngayo yonkhe inhlitiyo yakho.

²⁰⁷ Ngiyakwati, dzadze. Ngiyabati buso bakho, kodvwa angi... Uyakholwa kutsi Nkulunkulu utokuphilisa? Ngiyati kutsi unguhani manje. Ungudzadze lota lapha etabernakeli. Uyakholwa kutsi Nkulunkulu utokuphilisa na? Ake ngikukhulekele nje.

²⁰⁸ Nkhosi Nkulunkulu, Mdali wemazulu nemhlaba, yenta lowesifazane asindze, ngiyakhuleka, eGameni laJesu. Amen.

²⁰⁹ Ungangabati. Angisalikhumbuli ligama lalowesifazane, kodvwa ngiyati kutsi unguhani...

²¹⁰ Kutsiwani ngani nine bantfu ngephandle lapha etetsamelini? Niyakholwa na? Manje hlalani nithule sibili. Banini nenhloniphoyekutitfoba sibili. Ngakulendlela *lapha*, lomunye umuntfu. Ngiphonsela kukholwa kwakho insayeya, eGameni laJesu Khristu, kukholwa loku.

²¹¹ Dzadze lolikhatalsi tandla takhe tiphakeme, lapho. Uyakhholwa, dzadze, mine ngiyinceku yaNkulunkulu na? [Lodzadze utsi, "Yebo, mnumzane."—Umhl.] Uma Nkulunkulu atokwembula kimi kutsi yini inkhatsato yakho, utoyemukela na? ["Yebo, mnumzane."] Utifunela wena lucobo umkhuleko naleyontfombatanyana. Ufunela emehlo akho, uhleti lapho. Kunjalo. Beka sandla sakho etikwalomntfwana, futsi ukholwe ngayo yonkhe inhlitiyo yakho.

²¹² Nkhosi Nkulunkulu, ngikhulekela kutsi batokwemukela, eGameni laJesu. Amen.

Uyakhholwa?

²¹³ Nay o iNgelosi yeNkhosi ime ngakulomfo lonenhloko lemnyama. Ngi—ngikhholwa kutsi uta labandleni lapha, noko. Anginasiciniseko. Mnumzane, uma ngikwati, angati kutsi yini lengalungi kuwe, ngaphandle uma Nkulunkulu atokwembula. Kodywa ngulesinye sesihawu saKhe ume lapha. Futsi une—nesilondza elunyaweni, lunyawo lwangesencele. Kunjalo. Kukholwa kwakho—kwakho kutsintse lokutsite.

²¹⁴ Kutsiwani ngani, ngala kuloluhlangotsi, niyakhholwa yini? Banini nekukholwa, ke. Ningangabati.

²¹⁵ Lapha, lodzadze lohleti lapha lofake sigcoko lesimnyama, lofake tibuko. Unalo likhadi lekukhulekelwa, dzadze? Khona nje emvakwalowomfanyana lapho, ekugcineni kwelilayini, wena! Unalo likhadi lekukhulekelwa na? Awunalo likhadi lekukhulekelwa. Uyangikhholwa kutsi ngingumprofethi waNkulunkulu na? Uma Nkulunkulu atokwembula kimi kutsi iyini inkhatsato yakho, utokwemukela ke? Unenkhatsato yenhlitiyo. Lowo ngumyeni wakho lolohleti eceleni kwakho, futsi unenkhatsato yelidlala. Manje hamba futsi ukholwe.

Ngubani loMkhawlako?

²¹⁶ Kutsiwani ngalendvodza lelikhalatsi lehleti lapha? Uyakhholwa, mnumzane? [Lomnaketfu utsi, "Yebo, mnumzane."—Umhl.] Uyangikhholwa kutsi ngiyinceku yaKhe na? ["Yebo."] Bewufuna umkhuleko, awuwufuni yini? ["Yebo."] Uma Nkulunkulu atokwembula kimi, kusuke kimi kuye kuwe, uyakhholwa kutsi Yena...kutsi beningakwemukela? ["Yebo."] Unenkhatsato yemankanka. Futsi unekudzabuka kwesitfo. Kunjalo.

²¹⁷ Kutsiwani ke nganoma ngumuphi wenu ekhatsi lapho, niyakhholwa na?

²¹⁸ Kukhona lomunye wesifazane lolikhatalsi ngemuva ngco kwalodzadze emuva lapha. Uphakamise sandla sakho, dzadze. Ufuna intfo letsite eNkhosini? Uyangikhholwa kutsi ngiyinceku yaKhe? Yinkhatsato yeliphimbo, lophetfwe ngiyo. Kunjalo. Uyakhholwa kutsi Sewukuphilisile?

²¹⁹ Khona lapho nje kuphuma kuwe lapho, ucalata eceleni, kuphuma kuwe lapho ekupheleni kwelilayini; cishe munye, lababili, labatsatfu, labane, bantfu labasihlanu, emuva lapho. Ninenkhatsato yelibilo. Niyakholwa kutsi Nkulunkulu utonisindzisa?

²²⁰ Kutsiwani ke ngemuva lapha na? Lendvodza ekugcineni kwesitulo, emuva ngco emgcehi lapha. Unesilondza etfumbini lelikhulu esiswini. Kunjalo, mnumzane. Uyakholwa kutsi Nkulunkulu uyakuphilisa na? Ngako-ke sukuma futsi ukwemukele, eGameni leNkhosi Jesu.

²²¹ Nkulunkulu akubusise. Angikaze ngikubone. Usihambi kimi. Kodvwa Nkulunkulu uyakwati.

²²² Niyakukholwa, nonkhe na? Niyakholwa kutsi leNgelosi lefanako yaNkulunkulu leyeta ku-Abrahama, ngesihawu, Leyati timfihlo temicabango yaSara, yona Leyo lefanako leyema emhlabeni futsi yati timfihlo temicabango yengcondvo, anikhholwa kutsi Ilapha manje? LoNkulunkulu lofanako, ngaphambi nje kwekutsi umhlaba ushe futsi ekubhujisweni, anikhholwa kutsi Ulapha na? Khona-ke asiMemukele. AsiMkholve. AsiMtsatse njengemphilisi wetfu, khona manje. Bangakhi kini labatokukholwa loko na?

²²³ Bangakhi kini labaholwa mbamba? Phakamisa tandla tenu. Manje, bekani, yehliselani tandla tenu phansi.

²²⁴ LiBhayibheli lasho loku, "Letibonakaliso leti tiyobalandzela labaholwako."

²²⁵ Bekani tandla tenu etikwalomunye nalomunye, ke, uma ningemakhola. Khulekela lomuntfu losedvute nawe. Nalowo losedvute nawe, akukhulekele wena lokhulekelwako. Ngamunye wenu, khulekelanani lomunye nalomunye manje, nomakuphi kulesakhwi. Ngiphonsela insayeya lokukholwa loku.

Lodzadze lapho lone TB, khohlwa ngayo. Sewuphilisiwe.

²²⁶ Wena lonenkhatsato yelidlala lebesilisa, uhleti lapho, mnumzane, uvuka ebusuku. Kukhohlwe. Ungeke usadzingeka uphindze ukwente. Nkulunkulu akubusise.

²²⁷ Nginiphonsela insayeya kutsi nente sento sekukholwa. Niyakwenta na? Ngako-ke khulekani, ngamunye wenu, ngendlela yenu. Beka tandla takho etikwalomunye bese ukhulekela lomunye umuntfu losedvute nawe, ngisanikhulekela nonkhe.

²²⁸ Nkhosi Nkulunkulu, Mdali wemazulu nemhlaba, mcalisi wekuPhila lokuphakadze, mniketi waso sonkhe siphlo lesihle, tfumela uMoya waKho njengamanje etikwalabantfu laba.

²²⁹ Ngiyayilahla imisebenti yadeveli, ngoba develi uyadalulwa. Sathane, ungeke usakhona kuchubeka nekubabamba. Kukholwa kwabo kuyakhula, futsi babeke tandla tabo etikwalomunye nalomunye. Futsi ngikuphonsela insayeya, kutsi

lempfi ikwehlulile, nekwehlulela sekusondzele. Phuma kubo, eGameni laJesu Khristu. Suka kubo, eGameni laJesu.

²³⁰ NiyaMkholwa na? Phakamisani tandla tenu futsi niMnike ludvumo ngekuphiliswa kwenu. Uma ukhubatekile, sukuma ume getintyawo takho; Khristu uyakusindzisa. Uma usishosha, uphakamise tandla takho letikhuatekile, tiphakamiseni; sekuphelile konkhe.

Nangu wesifazane lokhubatekile lapha, emile.

²³¹ Ayibongwe iNkhosi! Ake sitsi, “Ayibongwe iNkhosi,” wonkhe umuntfu. [Libandla litsi, “Ayibongwe iNkhosi!”—Umhl.] Amen.

Mnaketfu Neville.



*NGABE LIBANDLA LITOHAMBA NGAPHAMBI
KWE NHLUPHEKO LENKHULU?* SSW58-0309E
(Will The Church Go Before The Tribulation?)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo kusihlwa, ngenyanga yeNdlovulenkhulu 9, 1958, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Luku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org